



## TALAALLIWWAN MAALI?

Asian Media Access and  
Spitfire n kan guddate  
yokiin hojjetamedha

Sababa COVID-19 n kan ka'e namni hundinuu jireenya keenya keessatti jijjiirama finneerra. Sochiin keenya guyyuu guyyuu adda adda. Kunis mana turanii hojjechuu yokiin barachuu, haguugduu afaanii godhachuu, yookiin immoo hiriyootaa fi firootan irraa fageenya faana 6 fagaachuu ta'a.

Karaan ittiin hawaasa keenya COVID-19 irraa eegnu inni guddaan talaalliidha. Talaallii jechuun farra ittisa dhukkubaa qaama keenyaaf gaachana guddaadha. Farra ittisa dhukkubaa jechuun sirna ittisaa qaama keenya dhukkuba irraa ittisuu fi qaama keenya fayyaatti eegudha. Akkuma yeroo balaa konkolaataan qaqqabu qabattoon konkolaataa miidhaa irraa nu eegu, talaalliinis vaayirasoota kanneen akka COVID-19 akka hin babal'annee fi qaama keenya nagaatti eeguuf fayyada.

Talaalliin sirna ittisa qaama keenyaa leenjisuun ittisa dhukkubaa keenya cimsa, kanaanis dhukkuba ofirraa ittisa. Vaayiresichi yoo nu qabelle, qaamni keenya dafee deebii akka kennu godha. Kunis qaamni keenya hedduu dhukkubaan akka malee akka hin miidhamneefi hospitaala akka hin deemne gargaara.

Qaamni keenya akkamiin dhukkuba ofirraa akka ittisu yoo beeke, inni sun ittisa farra dhukkubaa jedhama. Talaalliin namoota hedduuf ittisa farra dhukkubaa kenna, kana jechuun vaayiresichi salphumatti uummata keessa akka hin babal'anne gargaara. Vaayiresoonni yeroo babal'atan, bifaa fi boca haaraatti jijjiirratu. Talaalliin vaayiresoonni bifaa fi boca haaraa akka hin qabaanneefi, miidhaa caalu akka hin qaqqabsiisne godha.



Talaalliin hawaasni waggoota 100 oliif akka vaayiresii irraa of eegu fayyadeera. Vaayirasoota balaafamoo yeroo ammaa biyya lafaarraa badaa jiran kanneen akka Smallpox, Gifiraa fi Polio fa'aa kan dhabamsiise talaalliidha. Muuxannoo Smallpox fi vaayirasoota kanneen biroo irraa argatanitti fayyadamuun qorattoonni talaallii COVID-19 bu'a qabeessaa fi fayyaaleessa ta'e hojjechuu danda'aniiru. Qabiyyeewwanii fi teknooloojiiwwan talaallii COVID-19 f hojiirra oolan saddeeta(waggoota kurnan muraasaaf) qorannoon kan irratti geggeeffamedha.

Dhaabbatoonni sadii(Pfizer, Moderna, and Johnson & Johnson) talaallii COVID-19 bu'a qabeessaa fi fayyaaleessa ta'an oomishanii jiru. Qabiyyeewwan talaalicha keessa jiran qabiyyee soorataa waliin wal fakkaatoodha. Kanneenis mRNA, cooma, sukkaaraa fi ashaboo irraa hojjetaman. Akkuma soorataa talaalliiwwan kunneenis dalagaa isaanii goolabnaan qaama keessan gadhiisanii deemu. mRNA n moolikiyuulii qajeelfama ittisa dhukkubaa kennu yoo ta'u, qabiyyeen isaas talaalliiwwan Pfizer fi Moderna akka humna godhatanii dalagan taasisa. Moolikiyuulonni miidhaa hin qaqqabsiisne kunneen sirni ittisa dhukkubaa qaama keenyaa COVID-19 ittisuuf akka shaakalan godhuun sirna ittisa dhukkubaa jabaan ijaaru.

	Pfizer-BioNTech	Moderna	Johnson & Johnson
Qabiyyeewwan si'aawoo:	mRNA	mRNA	Baatoo yokiin Vector (cittuu vaayirasii si'awaa hin ta'in sirni ittisa qaama keenyaa akka of ijaaru gargaaru)
Umurii:	5+	18+	18+
Hanga yokiin Doses:	yokiin darbattuu 2 ol	yokiin darbattuu 2 ol	yokiin darbattuu 1 ol
Bu'a qabeessummaa:	95%	95%	67%

Tokko tokkoon talaalliiwwanii bu'a qabeessummaa fi fayyaaleessummaa isaanii mirkaneessuuf waqtiilee qorannoo of eeggannoo 3 keessa taraniiru. Tokko tokkoon talaalliiwwaniis mirkaneessa 2 argataniiru. Mirkaneessi tokko Abbaa Taayitaa Bulchiinsa Soorataa fi Qorichootaa (FDA) irraa yoo ta'u kunis Waajjira mootummaa qorichoonni fayyaaleessa ta'uu isaanii mirkaneessuuf aangoo qabu dha. Tokkichi hafe immoo koree gorsituu dhimma sirna ittisa qaamaa yokiin Committee on Immunization Practice irraati. Jarreen kun ogeessota bilchaatoo dhimma fayyaa fi qorichaa kanneen itti fayyadama talaallii fayyaaleessaaf qajeelfama baasanidha.



Erga talaalliiwwan kunneen mirkaneessa argatanii jechuun baatii Mudde, bara 2020 irraa kaasee United States keessatti qofa lammiiileen miiliyoona 255 ol talaalliiwwan kanneen fudhataniiiru. Sababa kanaafi yeroo ammaa mana barnootaa fi bakka hojiitti deebi'uun naga qabeessa kan ta'eef. Kanneen jaallannu waliin qaamaan wal arguu kan dandeenyes kanaafidha. Talaallii argachuun salphaa fi kaffaltii irraa bilisa. Wiirtuuleen tajaajila fayyaa, dukkaanni qorichaa ykn Kilinikoonna naannoo keessan jiran kaffaltii tokko malee talaallii isiniif dhiheessu. Talaalamuu barbaannaan waraqaa eenyummeessaa yookiin inshuraansii fayyaa hin gaafatamtan.

Erga lilmees talaallii fudhattanii dhukkubbii xiqqoon isinitti dhagaahamuun waanuma jirudha. Dhukkubbii irree,mata bowwuu, dadhabbii,dhukkubbii maashaalee,qorra, ho'ina qaamaa, ol ol jechuun isin muudachuu mala. Kunis talaalichi dalagaatti jiraachuu isaaf agarsiistuudha. Qaamni keessan akkamiin COVID-19 akka ofirraa dhorku shaakalaa jira.

COVID-19 n keessumaa namoota umuriin isaanii achi siqee fi namoota dhukkuboota biroo qabanitti ni hammaata. Qaamni isaanii akka gaariitti vaayiresoota ofirraa hin qolatu. Talaalliin egaa namoonni akkasii vaayiresicha irraa bilisa akka ta'an gargaara. Namoota umuriin achi siqan yokiin dhukkuba biroo qaban maatii keessaa yoo qabaattan dafaa talaalchisaa, maatii keessanii fi mataa keessan dhukkubicha irraa baraaraa.

COVID-19 waggoota lamaan darban kana sodaachisoo fi wal xaxoo godhee jira. Isin garuu waa'ee talaallii sirriitti baruun fayyaa keessanii fi kan hawaasa keessanii to'achuu dandeessu. Dooktoroonnii fi narsoonna gaaffii keessan deebisuu fi yaaddoowwan keessan salphisuuf qophiidha. Kanaafuu,gaaffii gaafachuu itti fufaa,miseensa maatii fi hiriyyoota keessan waliin marii dhimma muuxannoo talaallii irratti jiru cimsaa. Kunis talaalliin isinii fi hawaasa keessaniif gaarii ta'uu isaa murteessuuf isin fayyada.



STAY SAFE MN

- ✓ Get your shot
- ✓ Share on social media
- ✓ Encourage at least 3 other people to get vaccinated